



BULETIN DI KUMISÁRIU
DEPARTAMENTU DI SERVISUS DI INSPESON
SIDADI DI BOSTON

Númeru: 2024-05

Data: 4 di Dizenbru di 2024

Asuntu: Stabelesimentu di Rekizitus di Aplikason, Prusedimentu Administrativu y Regulamentus Administrativu relativu a Lisensiamentu di Kriason di Bedjera di Mel di akordu ku Kódigu di Sidadi di Boston, Portarias Kapítulu 16-1.27

Objetivu: Es buletin ê imitidu pa stabelesi rekizitus di aplikason, prusedimentus administrativu y regulamentus administrativu relativu a lisensiamentu di operason di kriason di bedjera di mel.

Determinason:

Di akordu ku Kódigu di Sidadi di Boston, portarias, Kapítulu 16-1.27, Departamentu di Servisus di Inspeson ta promulga es regras y regulamentus relativus a rejistu di operason di apikultura na Sidadi di Boston. Tudu propredadi ki krê kria bedjera di mel debi sta sujeitu a segintis rekizitus.

A. Difinisons

- I. Pa propózitu des Buletin, definisons debi ser konsistenti ku definisons deskritu na Kódigu di Sidadi di Boston, Portarias, Kapítulu 16-1.27 (b), pra len di kes siginti definison li:
 - A. *Operason di apikultura na nível di solu* - signifika kualker operason di apikultura na nível di solu di un propredadi, inkluidu na un kintal frontal, kintal lateral ô kintal trazeiru ô un propredadi asesível a partir di nível di propredadi igual a rua/paseiu pertu di propredadi.
 - B. *Operason di apikultura na tirásu* - signifika kualker operason di apikultura nun tirásu ô otu strutura.
- II. Operasons di apikultura ê ka permitidu na alpendri ô varanda ki ka sta na nível di solu ô na tirásu.

B. Prusedimentu pa Rejista un Operason di Apikultura

Tudu operason di apikultura debi obidesi a siginti protokolu:

I. Konfirma si ê nesesáriu un lisensa di konstruson:

- *Operasons di apikultura na nível di solu* - ê ka nesesáriu ninhun lisensa di konstruson adisional. Operasons di apikultura na nível di solu debi bai direktamenti pa Divizon di Saúdi di Departamentu di Servisus di Inspeson pa prienximentu di furmuláriu di rejistu, di akordu ku termus di sekson II des Buletin.
- *Operasons di apikultura na tirásu* - ta iziji un di kes segintis prusedimentus li:
 - **Pa plataformas di tirásu lisensiadu pre-izistenti** - ê nesesáriu ten un lisensa di konstruson sinplifikadu pa adisiona kolmeias a un plataforma di tirásu lisensiadu pre-izistenti. Rekerimentu debi inklui un avaliason di kapasidadi di karga (pezu) fetu pa un injenheru prufisional pa sertifika ma pezu adisional di kolmeia ka ta konprumeti strutura pre-izistenti
 - **Pa plataformas di tirásu novu ô operasons di apikultura ki sa ben ser adisionadu na un tirásu ka lisensiadu di otu forma pa okupason** - ê nesesáriu un lisensa di konstruson ditalhadu pa stabelesi métudu apropiadu di asesu a tirásu, sistemas di siguransa y karga di okupantis
 - Tudu operasons di apikultura na tirásu sta sujeitu a Buletin di Kumisáriu CB2022-02 - *Ki ta Regula Asesu a Árias di Tirásu di Idifísius ku Unidadi Rezidensial*

II. Furmuláriu di Rejistu di Apikultura:

Prienxi un furmuláriu di Rejistu di Apikultura ku Divizon di Saúdi di ISD ("Rekerimentu *di Lisensa* pa Kria Bedjera di Mel")

- Rekerimentu ta iziji siginti dukumentus:
 - Un furmuláriu di rejistu prienxidu
 - Un mudelu di kolmeias prupostu:
 - Mudelu podi ser dizenhadu a mô na skala, ki ta mostra tudu spasamentu aplikável deskritu na CBC16-1.27(D)
 - Mudelu ten ki inklui tudu dimenson di altura y pê kúbiku di tamanhu, y inklui notason di tudu pardi, serka y/ô barera entri propredadi en keston y propredadis adjasenti, inkluindu spasamentu di linhas di propredadi.
 - Furmuláriu di rejistu ten ki inklui inderesu di propredadi vizinhu adjasenti más prósimu
 - Furmuláriu di rejistu debi indika si operason di apikultura sta lokalizadu nun tirásu/strutura, y si sin, debi inklui lisensa imitidu pa Divizon di Konstruson di Departamentu di Servisu di Inspeson ki ta indika aprovason di kel tal operason di apikultura nun strutura di tirásu pa propredadi en keston

- Formuláriu di rejistu ten ki deskrebi kaminhu di vou ki sta ser inplementadu pa a operason di apikultura
 - Mudelu ka mesti ser karinbadu pa un Prufisional di design Rejistadu na Massachusetts
- Manda rekirimentu y mudelu pa Divizon di Saúdi di ISD pur e-mail através di ISDHealth@boston.gov, ô pesualmenti na 4º andar na 1010 Massachusetts Avenue, Boston, MA 02118

III. Rejitu Apíkula; Pagamentu di Taxas:

- Taxa pa tudu rejistu di apikultura ta ser di \$25,00

IV. Rekizitus y Prusedimentus di Inspeson:

Departamentu di Servisus di Inspeson podi inspesiona kualker operason di apikultura, antes di aprovason ô midianti sulisitason através di un reklamason mandadu pa Departamentu, y podi fazi kunpri kualker violason di regulamentu di akordu ku autoridad di Kódigu di Sidadi di Boston, Portarias, Kapítulu 16-1.27, inkluzivi através di imison di un avizu pur skritu pa konformidadi, kanselamentu di rejistu y/ô prusedimentu pa restrinji un violason di termus di un lisensa através di inspeson.

C. Otus Rekizitus

Konformidadi ku Otus Lei y Regulamentu - Operason di Apikultura situadu na tirásu debi sta en konformidadi ku Kódigu di Sidadi di Boston, Portarias Sekson 9-9.13, ki ta Regulamenta Asesu a Árias di Tirásu di Idifisius ku Unidadi Rezidensial y Buletin di Kumisáriu CB2022-01, ki ta Regulamenta Asesu a Árias di Tirásu di Idifisius ku Unidadi Rezidensial.

D. Violasons y Penalidadis

Kualker algen ki sta izersi un Operason di Apikultura en violason di Seson 16-1.27 di Kódigu di Sidadi di Boston ô ki sta viola termus di sê rejistu podi resebi un adverténsia pur skritu y/ô revogason di rejistu. Desdi ki Sidadi di Boston podi prusedi ku kontenson di un violason di termus di rejistu através di un liminar.

Sinadu:

Tania Del Rio, Kumisária di
Departamentu di Servisus di Inspeson /

Departamentu di Sevisus di Inspeson

Data

Daniel Prendergast, Kumisáriu Adjuntu
Divizon di Saúdi

Data